

歐陽文忠公全集卷二十三

律詩七十三首

雙桂樓

題張應之縣齋

和梅聖俞杏花

錢相中伏日池亭宴會分韻

送辛判官

叢翠亭

賀九龍廟祈雪有應

早春南征寄洛中諸友

花山寒食

寒食值雨

寄謝晏尚書二絕

留守相公移鎮漢東

寄聖俞

柴舍人金霞閣

歐陽文忠公全集卷二十三

送王公慥判官

伊川獨遊

遊彭城公白蓮莊

普明院避暑

送高君先輩還家

憶龍門

贈梅聖俞

鄙人獻花

龍門泛舟晚向香山

荷葉

早赴府學釋奠

和晏尚書夏日偶至郊亭

和晏尚書自嘲

題薦嚴院

寄題嵩巫亭

題靜慧大師禪齋

琵琶亭

新編 卷二十三 律詩 七十三首 雙桂樓 題張應之縣齋 和梅聖俞杏花 錢相中伏日池亭宴會分韻 送辛判官 叢翠亭 賀九龍廟祈雪有應 早春南征寄洛中諸友 花山寒食 寒食值雨 寄謝晏尚書二絕 留守相公移鎮漢東 寄聖俞 柴舍人金霞閣 送王公慥判官 伊川獨遊 遊彭城公白蓮莊 普明院避暑 送高君先輩還家 憶龍門 贈梅聖俞 鄙人獻花 龍門泛舟晚向香山 荷葉 早赴府學釋奠 和晏尚書夏日偶至郊亭 和晏尚書自嘲 題薦嚴院 寄題嵩巫亭 題靜慧大師禪齋 琵琶亭

初至虎牙灘見江山類龍門

題張損之學士蘭皋亭

霽後看雪走筆呈元珍判官二首

送致政朱郎中

留題安州朱氏草堂

題光化張氏園亭

和聖俞百花洲二首

魚

月

棧子

初冬歸襄城弊居

和晏尚書對雪招飲

滑州歸鴈亭

送黃通之鄖鄉

秋日與諸君馬頭山登高

歐忠公集卷三

二

送楊君歸漢上

後潭遊船見岸上看者有感

春日獨居

得滕岳陽書大誇湖山之美郡署懷物甚野其

意有戀著之趣作詩一百四十言爲寄且警

激之

幽谷種花洗山

鷺鷥

贈歌者

初春

送田處士

行次壽州寄內

答呂太博賞雙蓮

酬孫延仲籠圖

常州張卿養素堂

西湖泛舟呈運使學士張揆

去思堂會飲得春字

太傅相公入陪大祀以疾不行聖恩優賢詔書
俞允發於感遇紀以嘉篇小子不揆輒亦課
成拙惡詩一首

寄子春發運待制

答許發運見寄

贈廬山僧居訥

過塞

晏元獻公挽辭三首

酬滑州公儀龍圖見寄

雙桂樓

嘉樹叢生秀茲樓層漢傍飛甍臨萬井伏檻出垂楊

歐忠文集卷三

三

卷幕晴雲度披襟夕籟涼山河瞻帝里風月坐胡牀
愛客東阿宴清歡北海觴淮南多雅詠歲晚翫幽芳

題張應之縣齋

小官歎簿領夫子卧高齋五斗未能去一丘真所懷
綠苔長秋雨黃葉堆空堦縣古仍無柳池清尚有蛙
琴觴開月幌窻戶對雲崖高少亦堪老行常與子偕
和梅聖俞杏花

誰道梅花早殘年豈是春何如艷風日獨自占芳辰

錢相中伏日池亭宴會分韻

罇俎逢佳節簪纓奉宴居林光拂衣冷雲影入池虛

酒色風前綠蓮香水上踈飛談交玉塵聽曲躍文魚
粉籜春苞解紅榴夏實初睢園多美物能賦謝相如

送辛判官

被薦方趨召還鄉仍綵衣看山向家近上路逐鴻飛
結綬回爲客登高獨送歸都門足行者莫訝柳條稀

叢翠亭

柳色滿重城岌岌出翠薨春雲依檻暖夕照落山明
走馬章街曉翻鴻洛浦晴清罇但留客桴鼓晝無驚
賀九龍廟祈雪有應

直宰調神化幽靈應不言朝雲九淵閨暮霰六花繁

歐忠僉卷三

四

朔吹縈歸旆賓裾載後軒睢園有客賦郢曲幾人翻
槐座方虛位鋒車佇改轅願移盈尺瑞爲雨徧群元
早春南征寄洛中諸友

楚色窮千里行人何苦賒芳林逢旅鴈候館噪山鷄
春入河邊草花開木上槎東風一罇酒新歲獨思家

花山寒食

客路逢寒食花山不見花歸心隨北鴈先向洛陽家

寒食值雨

禁火仍風雨客心愁復悽陰雲花更重春日水平堤
油壁逢南陌鞦韆出綠蹊尋芳無厭遠自有錦障泥

送盡殘春始到家人愛客不須嗟紅泥煮酒嘗青杏猶向臨流藉落花

爛熳殘芳不可收歸來惆悵失春遊綠陰深處聞啼鳥猶得追閑果下騶

留守相公移鎮漢東

周郊徹楚垌舊相擁新旌路識青山在人今白首行相公舊有方城題句問農穿稻野候節見梅英腰組人稀識偏應邸吏驚

寄聖俞

歐忠公集卷五

五

平沙漫飛雪行旅斷浮橋坐覺山波阻空嗟音信遙窮陰變寒律急節慘驚飈野霽雲猶積河長冰未銷山陽人半在洛社客無聊寄問陶彭澤籃輿誰見邀柴舍人金霞閣

簷前洛陽道下聽走轅聲樹蔭春城綠山明雪野晴雲藏天外闕日落柳間營緩步應多樂壺歌詠太平送王公愷判官

久客倦京國言歸歲已冬獨過伊水渡猶聽洛城鐘山色經寒綠雲陰入暮重臘梅孤館路疲馬有誰逢

伊川獨遊

綠樹遶伊川，行亂雲間。寒雲依晚日，白鳥向青山。
路轉香林出，僧歸野渡閑。屢阿誰可訪，興盡復空還。
遊彭城公白蓮莊

謝墅多幽賞，華軒曾共尋。人閑聊載酒，臺迥獨披襟。
水落陂光淡，城當山氣陰。惟餘桃李樹，日覺翠蹊深。
普明院避暑

選勝避炎鬱，林泉清可嘉。拂琴驚水鳥，代塵折山花。
就簡刻筠粉，浮甌烹露芽。歸鞍微帶雨，不惜角巾斜。
送高君先輩還家

閑居寂寞面重城，過我時欣倒屣迎。入洛機雲推俊
譽，遊梁枚馬得英聲。風晴秀野春光變，梅發家林鳥
啅輕。祇待登高成麗賦，漢庭推轂有公卿。

憶龍門

楚客有歸心，因聲道故岑。依依動春色，藹藹望香林。
山日巖邊下，溪雲水上露。遙知懷洛社，應復動鄉吟。

贈梅聖俞

時聞敗舉

黃鸝刷金衣，自言能遠飛。擇侶異棲息，終年脩羽儀。
朝下玉池飲，暮宿霜桐枝。徘徊且垂翼，會有秋風時。
郡人獻花

蝶遶蜂遊露滿盤，芳條可惜折來殘。我緣多病經春

卧砌下花開不暇看

龍門泛舟晚向香出

暫解塵中袂來尋物外遊
峯蘭流水曲弄桂倚山幽
波影巖前綠灘聲石上流
忘機下鷗鳥至樂翫游鯈
梵響雲間出殘陽樹杪收
溪窮興不盡繫榜且淹留

荷葉

與梅二分題

採掇本芳陂移根向玉池
晴香滋白露翠色弄清漪
雨歇涼颼起煙明夕照移
如何江上思偏動越人悲

早赴府學釋奠

羽籥興東序春秋紀上丁
行祠漢丞相學禮魯諸生

歐憲公集卷五

七

俎豆兼三代罇壘奠兩楹
霧中槐市暗日出香壇
昔齒公卿胄嘗聞絃誦聲
何須向闕里首善本西京

和晏尚書夏日偶至郊亭

關關啼鳥樹交陰
雨過西城野色侵
避暑誰能陪劇
飲清歌自可滌煩襟
稻花欲秀蟬初噤
菱蔓初長水
正深知有江湖杳然意
扁舟應許共追尋

和晏尚書自嘲

未歸歸卽乘鴻鈞
偷醉關亭醉幾春
與物有情寧易
得莫嗔花解久留人

題薦巖院

那堪多難百憂攻三十衰容一病翁却把西都看花
眼斷腸來此哭東風

寄題嵩巫亭

平地煙霄向此分繡楣丹檻照清芬風簾幕捲秋空
碧剩見西山數嶺雲

題淨慧大師禪齋

景德寺
普光院

巾履諸方遍莓苔一室前菱花吟次落孤月定中圓
齋鉢都人施談機海外傳時應暮鐘響來度禁城煙

琵琶亭

樂天曾誦此江邊已嘆天涯涕泣然今日始知予罪

歐忠齋集卷五

八

大夷陵此去更三千

初至虎牙灘見江山類龍門

曉鼓潭潭客夢驚虎牙灘上作船行山形酷似龍門
秀江色不如伊水清平日兩京人少壯今年三峽歲
崢嶸卧聞乳石淙流響疑是香林八節聲

題張損之學士蘭皋亭

礮岸接芳蹊琴觴此自怡林花朝落砌山月夜臨池
雨積蛙鳴亂春歸鳥啼移惟應乘興客不待主人知

霽後
江上寒山抵對門野花巖草共嶙峋獨吟群玉峰前

霽後
江上寒山抵對門野花巖草共嶙峋獨吟群玉峰前

景閑憶紅蓮幕下人

嘉景無人把酒看
縣樓終日獨凭欄
山城歲暮驚時
節已作春風料峭寒

送致政朱郎中

平生不省問田園
白首忘懷道更尊
已上印書辭北
闕稍留冠蓋餞東門
馮唐老有爲郎戀
疏廣終無任子恩
今日榮歸人所羨
兩兒腰綬擁高軒

留題安州朱氏草堂

俯檻臨流篋徑深
平泉花木繞陰森
蛙鳴鼓吹春喧
耳草暖池塘博費吟
賭野乞甥賓對弈
驚鴻送目手揮琴
嗟予遠捧從軍檄
不得披裘五月尋

學志齋集卷三

九

題光化張氏園

君家花幾種來自洛之濱
惟我曾遊洛看花若故人
芳菲不改色開落幾經春
陶令來常醉山公到最頻
曲池涵草樹啼鳥悅松筠
相德今方賴思歸未有因
和聖俞百花洲二首

野岸溪幾曲松蹊穿翠陰
不知芳渚遠但愛綠荷深
荷深水風闊雨過清香發
暮角起城頭歸橈帶明月

魚

秋水澄清見髮毛
錦鱗行處水紋搖
岸邊人影驚還

去時向綠荷深處跳

月

天高月影浸長江江闊風微水面涼天水相連爲一
色更無纖靄隔清光

棖子

嘉樹團團俯可攀壓枝秋實漸爛斑朱欄碧瓦清霜
曉粲粲星綠葉間

初冬歸襄城弊居

日落原野晦天寒閭市閑牛羊遠陂去鳥雀空簷間
馮高植蒸杖曠日瞻前山壠麥風際綠鷗村外還

歐忠公集卷五

十

禾黍日已熟杯酒聊開顏酣歌歲云暮寂寞向柴關
和晏尚書對雪招飲

瑤林瑤樹影交加誰伴山翁醉帽斜自把金船浮白
蟻應湏紅粉唱梅花

滑州歸鴈亭

長河終歲足悲風亭古臺荒半倚空惟有鴈歸時最
早柳含微綠杏粘紅

送黃通之鄖鄉

君子貴從俗小官能養賢無慚折腰吏勉食落頭鮮
均人相尚食腐魚困有亨之理窮當志益堅惟宜少
故俗傳爲落頭鮮

近禍親髮况幡然

秋日與諸君馬頭山登高

晴原霜後若榴紅佳節登臨興未窮日泛花光搖露際酒浮山色入樽中金壺恣灑毫端墨玉塵交揮席上風惟有淵明偏好飲籃輿酪酏一衰翁

送楊君歸漢上

我昔謫窮縣相逢清漢陰拂塵時解榻置酒屢橫琴介節温如玉嘉辭擲若金趣當鄉士薦無滯計車音後潭遊船見岸上看者有感河朔之俗不知嬉遊大名與真

定以三月十八日爲行樂之日其俗頗盛

歐文忠公全集卷五

十一

喧喧誰暇聽歌謳浪遶春潭逐綵舟爭得心如汝無事明年今日更來遊

春日獨居

眾喧爭去逐春遊獨靜誰知味最優雨霽日長花爛熳春深睡美夢飄浮常憂任重才難了偶得身閑樂暫偷因此益知爲郡趣乞州仍擬乞山州

得滕岳陽書大誇湖山之美郡署懷物甚野

其意有戀著之趣作詩一百四十言爲寄且

警激之

峭嶽孤城倚平湖遠浪來萬尋迷島嶼百仞起樓臺

太守凭軒處，群賓奉笏陪。清霜薦丹橘，積雨過黃梅。
逸思歌湘曲，遺文繼楚材。魚貪河岫樂，雲忘帝鄉回。
遙信雙鴻下，新緘尺素裁。因聞誇野景，自笑擁邊埃。
龍漠方多孽，旄頭又示災。旌旗時映日，鼙鼓或驚雷。
有志皆嘗膽，何人可鑿坏。儒生半投筆，牧豎亦輸財。
沮澤辭猶慢，蒲萄館未開。支離莫攘臂，天子正求才。
洗出峰巒看臘雪，栽成花木趁新年。史君功行今將滿，誰肯同來作地仙。

鷺鷥

歐文忠公集卷三

十一

激石灘聲如戰鼓，翻天浪色似銀山。灘驚浪打風兼雨，獨立亭亭意愈閑。

贈歌者

病客多年掩綠罇，今宵爲爾一顏醺。可憐玉樹庭花後，又向江都月下聞。

初春

新年變物華，春意日堪嘉。霽色初含柳，餘寒尚勒花。
風絲飛蕩漾，林鳥哢交加。獨有無悰者，誰知老可嗟。

送田處士

秦士多豪俠，夫君久遁名。青山對高卧，白首喜論兵。

氣古時難合詩精格入評公車不久召歸袖夕風生
行次壽州寄內

紫金山下水長流嘗記當年此共遊今夜南風吹客
夢清淮明月照孤舟

答呂太博賞雙蓮

年來因病不飲酒老去無棕懶作詩我已負花常自
愧君須屢醉及芳時漢宮姊妹爭新寵湘浦皇英望
所思天下從來無定色况將鉛黛比天姿

酬孫延仲龍圖

洛社當年盛莫加洛陽耆老至今誇

梅聖俞張堯夫
張子野延仲與

十三

子皆在洛中死生零落餘無幾齒髮衰殘各可嗟
北庫酒醪君舊物延仲前守汝陰西湖煙水我如家
已將二美交相勝仍枉新篇麗彩霞

常州張卿養素堂

江左衣冠世有名幾人今復振家聲朝廷獨立清冰
節問里歸來白首卿志在言談猶慷慨身閑耳目益
聰明長松野水誰爲伴顧我堪羞戀寵榮

西湖泛舟呈運使學士張棧

波光柳色碧溟濛曲渚斜橋畫舸通更遠更嘉唯恐
盡漸深漸密似無窮綺羅香裏留佳客絃管聲來颺

晚風半醉迴舟迷向背樓臺高下夕陽中

去思堂會飲得春字

甲午四月頻州張唐公座上

世事紛然百態新西岡一醉十三春自慚白髮隨年
少猶把金鍾勸主人黃鳥亂飛深夏木紅榴初發艷
清晨佳時易失閑難得有酒重來莫厭頻

太傅相公入陪大祀以疾不行聖恩優賢詔
書俞允發於感遇紀以嘉篇小子不揆輒亦
課成拙惡詩一首

驛騎頻來急詔隨都人相與竊嗟咨自非峻節終無
改安得清衷久益思前席蓋將求讜議在庭非爲乏
陪祠尊賢優老朝家羨他日安車召未遲

歐忠齋卷三

古

寄子春發運待制

廣陵花月嘗同醉雕苑風霜暫破顏但喜交情久彌
重休嗟人事老多艱壯心未忍悲華髮強飲猶能倒
玉山留滯江湖應不久多爲春酒待君還

答許發運見寄

許詩云芍藥瓊花應有恨維揚新什獨無名

瓊花芍藥世無倫偶不題詩便怨人曾向無雙亭下
醉自知不負廣陵春

贈廬山僧居訥

方瞳如水衲披肩邂逅相逢爲洒然五百僧中得一

士始知林下有遺賢

過塞

身驅漢馬踏胡霜每嘆勞生祇自傷氣候愈寒人愈
北不如征鴈解隨陽

晏元獻公挽辭三首

接物襟懷曠推賢品藻精謀猷存二府臺閣徧諸生
帝念宮臣舊恩隆袞服榮春風綠野迥千兩送銘旌
四鎮名藩忽十春歸來白首兩朝臣上心方喜親耆
德物論猶期秉國鈞退食圖書盈一室開樽談笑列
嘉賓昔人風采今人少慟哭何由贖以身

歐忠文公集卷三

十五

舊

富貴優游五十年始終明哲保身全一時聞望朝廷
重餘事文章海外傳舊館池臺閑水石悲笳風日慘
山川解官制服門生禮慙負君恩隔九泉

酬滑州公儀龍圖見寄

畫舫齋前舊菊叢十年開落任秋風知君爲我留紅
旆猶記載花白髮翁

歐陽文忠公全集卷二十三

歐陽文忠公全集卷二十四

律詩七十二首

蘇才翁挽詩二首

蘇才翁挽詩二首

送石楊休還蜀

和景仁試明經大義多不通有感

和公儀試進士終場有作

久在病告近方赴直偶成拙詩二首

送潤州通判屯田

和劉原甫平山堂見寄

送張吉老赴浙憲

春日詞五首

走筆答原甫提刑學士

歐忠文集卷十四

酬淨照大師說

和劉原父從幸後死觀稻呈講筵諸公

送薛水部通判并州

鶴

鴈

鶻

原甫致齋集禧余亦攝事後廟謹呈拙句兼簡

聖俞

同年秘書丞陳動之挽詞二首

奉和劉舍人初雪

暮春書事呈四舍人

荷葉

小池

釣者

霜

牛

送劉虛白二首

劉丞相挽詞二首

寄大名程資政琳

東齋對雪有懷

雪後玉堂夜直

官舍假日書懷奉呈子華內翰長文原甫景仁

舍人聖俞博士

酬王君玉中秋席上待月值雨

中秋不見月問客

張仲通示墨竹詞以嘉篇豈勝欽玩聊以四韻

仰酬厚貺

奉寄襄陽張學士兄

奉答聖俞宿直見寄之作

歐意齋集卷五

二

和原甫舍人閣下午寢歸有作

聞原甫久在病告有感

試筆

齋宮感事寄原甫學士

戲答仲儀口號

觀龍圖閣三聖御書應制

題東閣後集

日長偶書

寄答王仲儀太尉素

解官後答韓魏公見寄

余言... 郊公唱和詩有答公見

二十... 卒... 國如垂願歸耕寧買

期... 遂利名遷逮今二十有

年祁公捐館亦十有五年矣而余始蒙恩得
遂退休之請追懷平昔不勝感涕輒爲短句
寘公祠堂

答端明王尚書見寄兼簡景仁文裕二侍郎二
首

寄題景純學士藏春塢新居

會老堂

叔平少師去後會老堂獨坐偶成

退居述懷寄北京韓侍中二首

贈潘道士

答樞密吳給事見寄

歐忠公集卷十四

三

答判班孫待制見寄

初夏西湖

寄河陽王宣徽

寄韓子華

戲劉原甫

和子履遊泗上雍家園

贈王介甫

翰林風月三千首吏部文章二百年老去自憐心尚
在後來誰與子爭先朱門歌舞爭新態綠綺塵埃試
拂絃常恨聞名不相識相逢罇酒盍留連

蘇才翁挽詩二首

握手接歡言相知二十年文章家世事名譽弟兄賢
可惜英魂掩惟餘醉墨傳秋風衰柳岸撫柩送歸船

雄心壯志兩岬嶮誰謂中年志不成零落篇章爲世寶平生風義見交情青松月下泉臺路白草原頭薤露聲自古英豪皆若此哭君徒有淚沾纓

送石楊休還蜀

長愛謫仙誇蜀道送君西望重吟我路高黃鵠飛不到花發杜鵑啼更多清禁寒生鳳池水繡衣榮照錦江波昔年同舍青衿子夾道歡迎鬢已皤

和景仁試明經大義多不通有感

庠序制猶闕鄉閭教不行古於經學政今也藝虛名來者益可鄙待之因愈輕無徒誚其陋講勸在公卿

歐憲公集卷四

四

和公儀試進士終場有作

朝家意在取遺才樂育推仁亦至哉本欲勵賢敦古學可嗟趨利競朋來昔人自重身難進薄俗多端路久開何異鱸魴爭天水巨魚先已化風雷

久在病告近方赴直偶成拙詩二首

經時移病久端居玉署新秋獨直廬夜靜樓臺落銀漢人閑鈴索少文書江湖未去年華晚燈火微涼暑雨初敢向聖朝辭寵祿多慙禁籞養慵踈

清晨下直大明宮馳馬悠然宿露中金闕雲開滄海日天街雨後綠槐風歲華忽忽雙流矢鬢髮蕭蕭一

病翁名在玉堂歸未得西山畫閣興何窮

送潤州通判屯田

船頭初轉兩旗開清曉津亭疊鼓催自古江山最佳處况君談笑有餘才雲愁海闊驚濤漲木落霜清畫角哀善政已成多雅思寄詩宜逐驛筒來

和劉原甫平山堂見寄

督府繁華久已闌至今形勝可躋攀山橫天地蒼茫外花發池臺草莽間萬井笙歌遺俗在一罇風月屬君閑遙知爲我留真賞恨不相隨暫解顏

送張吉老赴浙憲

歐忠公卷五

五

吳越東南富百城路人應羨繡衣榮昔時結客曾遊處今見焚香夾道迎治世用刑期止殺仁心聽獄務求生時豐訟息多餘暇無惜新篇屢寄聲

春日詞五首

宮壇青陌賽牛回玉瑄東風逗曉來不待嶺梅傳遠信剪刀先放綵花開

試粉東牕待曉迴共尋春柳傍香臺不驚樹裏禽初變共喜釵頭鷺已來

紅霧初開上曉霞共驚風色變年華香車遙認春雷響庭雪先開玉樹花

玉階吹入... 雞鳴... 仙盤初驚百舌綿蠻
語已覺東風料峭寒

待曉銅荷剪蠟煤繡簾春色犯寒來畫眉不待張京兆自有新粧試落梅

走筆答原甫提刑學士

慶曆五年
詳見卷末

歲暮山城喜少留西亭尚欲挽行輶一罇莫惜臨岐別十載相逢各白頭

酬淨照大師說

佛說吾不學勞師忽歎關吾方仁義急君且水雲閑意淡宜松鶴詩清叩珮環林泉苟有趣何必市廛間

歐忠公集卷五

六

和劉原父從幸後苑觀稻呈講筵諸公

禁籞皇居接香畦鏤檻邊分渠自靈沼種稻滿漉田六穀名居首三農政所先擢莖蒙德茂養實以時堅曉謁龍墀罷行瞻鳳盖翩粹容知喜色嘉瑞奏豐年衰病慙經學陪遊與俊賢安知帝力及但樂歲功全拜賜秋風裏分行黼座前自憐篋笠叟來綴侍臣篇
送薛水部通判并州

宵懷磊落逢知己氣略縱橫負壯心玉塵生風賓滿坐金鱗照甲士如林牛羊日暖山田美雨雪春寒土屋深自古幽并重豪俠祗應行樂費黃金

鶴

樊籠毛羽日低摧野水長松眼暫開萬里秋風天外
意日斜閑啄岸邊苔

鴈

來時沙磧已冰霜飛過江南木葉黃水闊天低雲暗
澹朔風吹起自成行

鶻

依倚秋風氣象豪似欺黃雀在蓬蒿不知羽翼青眞
上腐鼠相隨勢亦高

原甫致齋集禧余亦攝事後廟謹呈拙句兼

學患齋卷五

七

簡聖俞

受命分行攝上公紫微人在玉華宮樓臺碧瓦輝雲
日蓮芰清香帶水風每接少年嗟老病尚能聯句惱
詩翁凌晨已事追佳賞綠李甘瓜興未窮

同年祕書丞陳動之挽詞二首

場屋當年氣最雄交游樽酒弟兄同文章落筆傳鄰
下議論生鋒服座中自古聖賢誰不死况君門戶有
清風凋零三十年朋舊在者多爲白髮翁

富貴聲名豈足論死生榮辱等埃塵青衫照日誇春

日餘年哭故人盛德不忘存誌刻語言能記有

朋親吳江草木春風動溼酒誰瞻壠樹新

奉和劉舍人初雪

夜雪填空曉更飄龍墀風冷珮聲高瓊花落處縈仙
仗玉殿光中認赭袍下直笑談多樂事平時罇酒屬
吾曹羨君年少才無敵顧我雖衰飲尚豪

暮春書事呈四舍人

樹陰初合苔生暈花藥新成蜜滿脾鷺燕各歸巢喃
子蛙魚共樂雨添池少年春物今如此老病衰翁了
不知飽食杜門何所事日長偏與曠相宜

荷葉

歐忠公集卷五

八

池面風來波瀲灩波間露下葉田田誰於水上張畫
蓋罩却紅粧唱採蓮

小池

深院無人鏤曲池莠苔繞岸雨生衣綠萍合處蜻蜒
立紅蓼開時蛺蝶飛

釣者

風牽釣線裊長竿短笠輕蓑細草間春雨濛濛看不
見水煙埋却面前山

霜

一夜新霜著瓦輕芭蕉心折敗荷傾柰寒惟有東

菊金蕊繁開曉更清

牛

日出東籬黃雀驚雪銷春動草芽生土坡平澗陂田
闊橫載童兒帶犢行

送劉虛白二首

祕訣誰傳妙若神能將題品徧朝紳因言禍福兼忠
孝吾愛君平善誨人

我嗟韁鎖若牽拘又羨南山去結廬自顧豈勞君借
譽偶然章服裹猿狙

劉丞相挽詞二首

歐文忠公集卷四

九

南國鄰鄉邑東都並舊遊賜袍聯唱第命相見封侯
念昔趨黃閣相看笑白頭盛衰同俯仰旌旆送山丘
連章相府辭榮寵擁旆名都出鎮臨年少已推能宰
社鄉人終不見揮金長蛟息浪歸帆穩喬木生煙蔽
日深平昔家庭敦友愛可憐松檟亦連陰

寄大名程資政琳

龍門長恨晚方登便以忘年接後生談劇每容陪玉
麈飲豪常憶困金觥水開御水春應綠雲破淮天月
自明醉倒離筵聽別曲醒來猶尚記餘聲

東齋對雪有懷

東齋坐客飲方豪誰報風簾雪已飄貪聽罇前歌裊
裊不聞牕外響蕭蕭已憐殘臘催梅藥更約新春探
柳條共憶瀛洲人獨直神仙清景正寥寥

雪後玉堂夜直

雪壓宮牆鏢禁城沉沉樓殿景尤清玉堂影亂燈交
晃銀闕光寒夜自明塵暗圖書愁獨直人閑鈴索久
無聲鑿坡地峻誰能到莫惜宮壺酒屢傾

官舍假日書懷奉呈子華內翰長文原甫景
仁舍人聖俞博士

鎖印春風雪入簾天寒鳥雀聚空簷青幃愛歲兒童

歐忠公集卷五

十

喜白髮催人老病添艷舞回腰飛玉盞清吟擁鼻對
冰蟾相從一笑兩莫得簿領區區嘆米鹽

酬王君玉中秋席上待月值雨

池上雖然無皓魄罇前殊未減清歡綠醅自有寒中
力紅粉充宜燭下看羅綺塵隨歌扇動管絃聲雜雨
荷乾客舟閑卧王夫子詩陣教誰主將壇

中秋不見月問客

試問玉蟾寒皎皎何如銀燭亂熒熒不知桂魄今何
在應在吾家紫石屏

張仲通示墨竹嗣以嘉篇豈勝欽玩聊以四

韻仰酬厚貺

數竿蒼翠寫生綃寄我公齋伴寂寥不待雪霜常凜
凜雖無風雨自蕭蕭嗟予心志俱憔悴羨子文章騁
富饒嗣以嘉篇誠厚貺遠慚爲報乏瓊瑤

奉寄襄陽張學士兄

東津淶水南山色夢寐襄陽二十年

子昔遊漢上嘗
愛其山川迨今

十六七顧我百憂今白首羨君千騎若登仙
花開漢女游堤上人看仙翁擁道邊况有玉鍾應不負夜槽
春酒響如泉

奉答聖俞宿直見寄之作

歐愈金叢卷四

十一

寒夜分曹直嚴城隔幾層予慚批鳳詔君歎守螢燈
病骨羸漳浦官書蠹羽陵無嫌學舍冷文字比清冰
和原甫舍人閣下午寢歸有作

遙知好睡紫薇郎枕簟清薰綠蕙芳五色詔成人不
到萬年風動閣生涼平時下直歸宜早陋巷相過意
未忘楊子不煩多載酒主人猶可具黃梁

潤京甫又在病告有感

東城移疾久離居安得疑虵意盡祛諸老何爲讒賈
誼君王猶未識相如浮沉俗喜隨時態磊落材多與
世疎誰謂文章金馬客翻同憔悴楚三閭

試筆

試筆消長日耽書遣百憂餘生得如此萬事復何求
黃犬可爲戒白雲當自由無將一杯土欲塞九河流
齊宮感事寄原甫學士
曾向齋宮詠麥秋綠陰佳樹覆墻頭重來滿地新霜
葉却憶初聞黃栗留

戲答仲儀口號

弊君回看如蛙穴華宇來悽若鷺身寄宿人家敢望笙歌
行樂事只憂無米過來春今年遠近大水稼穡何望

觀龍圖閣三聖御書應制

歐忠文集卷五

十一

層構嚴清禁披圖爛寶文虹蜺光照物龍鳳勢騰雲
妙極功歸一直隨體自分孝思遵寶訓聖業廣惟勤
題東閣後集

東閣三朝多大事營丘二載足閑辭近詩留作歸榮
集何日歸田自集詩

日長偶書

日長漸覺逍遙樂何況終朝無事人安得遂爲無事
者人間萬慮不關身

寄答王仲儀太尉素

豐樂山前一醉翁餘齡有幾百憂攻平生自恃心無

規直道誠知世不容換骨莫求卅九轉榮名豈在祿
千鍾明年今日如尋我潁水東西問老農

解官後答韓魏公見寄

報國勤勞已茂聞終身榮遇最無倫老為南畝一夫
去猶是東宮二品臣侍從籍通清切禁笑歌行作太
平民欲知念舊君恩厚二者難兼始西人新制推恩致仕許休

舊兼職自王仲議始今某仍出特恩

余昔晋守南都得與杜邨公唱和詩有答公
見贈二十韻之卒章云報國如垂頤歸耕寧

買田期無辱知己肯遂利名遷逮今二十有

歐愈公集卷五

十三

二年邨公捐館亦十有五年矣而余始蒙恩
得遂退休之請追懷平昔不勝感涕輒為短

句寘公祠堂

掩涕發陳編追思二十年門生今白首墓木已蒼煙
報國如垂頤歸耕寧買田此言今始踐知不愧黃泉
答端明王尚書見寄兼簡景仁文裕二侍郎

二首

日夕都城車馬喧豈知風月屬三賢唱高誰敢投詩
社行處人爭看地仙酒面撥醅浮大白舞腰催拍趁
繁弦與公等是休官者方把鋤犁學事田

多病新還太守章歸來白首興何長琴書自是千金
產日月閑銷百刻香尚有俸錢沽美酒自栽花圃趁
新陽醉翁生計今如此一笑何時共一觴

寄題景純學士藏春塢新居

清才四紀擅時名晚卜丘林遂解纓欲借青春藏向
此須知白首尚多情水浮花出人間去山近雲從席
上生漫說市朝堪大隱仙家誰信在重城

會老堂

古來交道愧難終此會今時豈易逢出處三朝俱白
首凋零萬木見青松公能不遠來千里我病猶堪醜
一鍾已勝山陰空典盡且留歸駕為從容

歐忠公集卷十四

十四

叔平少師去後會老堂獨坐偶成

積雨荒庭徧綠苔西堂瀟灑為誰開愛酒少師花落
去彈琴道士月明來鷄啼日午衡門靜鶴淚風清晝
夢回野老但欣南畝伴豈知名籍在蓬萊

退居述懷寄北京韓侍中二首

悠悠身世比浮雲白水歸來賴水濱曾看元臣調鼎
鼎却尋田叟問耕耘一生勤苦書千卷萬事銷磨酒
百分放浪豈魚方外士尚思親友念離群

書殿宮臣寵並叨不同憔悴返漁樵無窮興味閑中

得強半光陰醉裏銷靜愛竹時來野寺獨尋春偶過
溪橋猶須五物稱居士不及顏回飲一瓢

贈潘道士

門無車轍紫苔侵雞犬蕭條陋巷深寄語彈琴潘道
士雨中尋得越江吟

答樞密吳給事見寄

老得閑來興味長問將何事送餘光春寒擁被三竿
日宴坐忘言一炷香報國愧無功尺寸歸田仍值歲
豐穰樞密任重才餘暇猶有新篇寄草堂

答判班孫待制見寄

歐忠參集卷五

十五

三朝竊寵幸逢辰晚節恩深許乞身無用物中仍老
病太平時得作閑人鳴琴酌酒留嘉客引水栽花過
一春惟恨江淹才已盡難酬開府句清新

初夏西湖

積雨新晴漲碧溪偶尋行處獨依依綠陰黃鳥春歸
後紅蘼青苔人跡稀萍匝汀洲魚自躍日長欄檻燕
交飛林僧不用相迎送吾欲臺頭坐釣磯

寄河陽王宣徽

誰謂蕭條潁水邊能令嘉客少留連肥魚美酒偏宜
老明月清風不用錢况值湖園方首夏正當櫻筍似

三川自知不及南都會勉彊猶須詫短篇

寄韓子華并序

余與韓子華長文禹玉同直玉堂嘗約五十八歲致仕子華書於柱上其後荐蒙恩寵世故多艱歷仕三朝備位二府已過限七年方能乞身歸老俗諺云也賣弄得過裏

人事從來無處定世塗多故踐言難誰如潁水閑居士十頃西湖一釣竿

戲劉原甫

見蔡條西清詩話已下續添

平生志業有誰先落筆文章海內傳昨日都城應紙

歐忠翁卷舌

六一

貴開簾却扇見新篇

仙家千載一何長浮世空驚日月忙洞裏新花莫相笑劉郎今是老劉郎

和子復遊泗上雍家園

長橋南走群山間中有雍子之名園蒼雲蔽天竹色淨暖日撲地花氣繁飛泉來從遠嶺背林下曲折寒波翻珍禽不可見毛羽數聲清絕如哀彈我來據石弄瑟瑟惟恐日暮登歸軒塵紛解剝耳目異祗疑夢入神仙村知君襟尚我同好作詩闕放莫可攀高籥絕景兩不及久之想像空真煩 歐陽集卷二十四

歐陽文忠公集卷二十五

致語二首 詩餘八十二首

會老堂致語

西湖念語

採桑子十三首

朝中措

歸自謠三首

長相思四首

訴衷情

踏莎行二首

望江南

減字木蘭花五首

生查子二首

瑞鷓鴣

清商怨

阮郎歸五首

蝶戀花二十二首

漁家傲二十首

會老堂致語

會老堂致語

熙寧壬子趙康靖公自南京訪公於穎時呂正獻公為守

某聞安車以適四方禮典雖存於往制命駕而之千里交情罕見於今人伏惟致政少師一德元臣三朝

宿望挺立始終之節從容進退之宜謂青衫早並於

俊遊白首各諧於歸老已釋軒裳之累却尋雞黍之

期遠無憚於川塗信不渝於風雨幸會北堂之學士

方為東道之主人遂令賴水之濱復見德星之聚里

間拭目覺陋巷以生光風義聳聞為一時之盛事敢

陳口號上贊清歡

欲知盛集繼荀陳請看當筵主與賓金馬玉堂三學

欲知盛集繼荀陳請看當筵主與賓金馬玉堂三學

士清風明月兩閒人紅芳已盡鶯猶轉青杏初嘗酒
正醇美景難并良會少乘歡舉白莫辭頻

西湖念語

昔者王子猷之愛竹造門不問於主人陶淵明之卧
輿遇酒便留於道士况西湖之勝槩擅東潁之佳名
雖美景良辰固多於高會而清風明月幸屬於閒人
並遊或結於良朋乘興有時而獨往鳴蛙暫聽安問
屬官而屬私曲水臨流自可一觴而一詠至歡然而
會意亦傍若於無人乃知偶來常勝於特來前言可
信所有雖非於已有其得已多因翻舊闕之辭寫以
新聲之調敢陳薄伎聊佐清歡

採桑子

輕舟短棹西湖好綠水逶迤芳草長堤隱隱笙歌處
處隨無風水面琉璃滑不覺船移微動連漪驚起
沙禽掠岸飛

二

春深雨過西湖好百卉爭妍蝶亂蜂喧晴日催花暖
欲然蘭橈畫舫悠悠去疑是神仙返照波間水闊

風高颺管絃

三
畫船載酒西湖好急管繁絃玉盞催傳穩泛平波任
醉眠行雲却在行舟下空水澄鮮俯仰留連疑是
湖中別有天

四

群芳過後西朔好狼藉殘紅飛絮濛濛垂柳欄干盡
日風笙歌散盡遊人去始覺春空垂下簾櫳雙燕
歸來細雨中

五

何人解賞西湖好佳景無時飛蓋相追貪向花間醉

歐忠公集卷五

三

玉卮誰知閑凭欄干處芳草斜暉水遠煙微一點
滄洲白鷺飛

六

清明上巳西湖好滿目繁華爭道誰家綠柳朱輪走
鈿車遊人日暮相將去醒醉諠譁路轉堤斜直到
城頭總是花

七

荷花開後西湖好載酒來時不用旌旗前後紅幢綠
蓋隨畫船撐入花深處香泛金卮煙雨微微一片
笙歌醉裏歸

天容水色西湖好雲物俱鮮鷗鷺閑眠應慣尋常聽
管絃風清月白偏宜夜一片瓊田誰羨驂鸞人在
舟中便是仙

九

殘霞夕照西湖好花塢蘋汀十頃波平野岸無人舟
自橫西南月上浮雲散軒檻涼生蓮芰香清水面
風來酒面醒

十

平生為愛西湖好來擁朱輪富貴浮雲俯仰流年二

歐忠公集卷五

四

十春歸來恰似遼東鶴城郭人民觸目皆新誰識
當年舊主人

十一

畫樓鐘動君休唱往事無蹤聚散忽忽今日歡娛幾
客同去年綠鬢今年白不覺衰容明月清風把酒
何人憶謝公

十二

十年一別流光速白首相逢莫話衰翁但鬪樽前語
笑同勸君滿酌君須醉盡日從容盡鷁牽風即去
朝天沃舜聰

十年前是樽前客月白風清憂患凋零老去光陰速
可驚 鬢華雖改心無改試把金觥舊曲重聽猶似
當年醉裏聲

朝中措

平山欄檻倚晴空山色有無中手種堂前垂柳別來
幾度春風 文章太守揮毫萬字一飲千鍾行樂直
須年少樽前看取衰翁

歸自謠

歐忠公集卷五

五

何處笛深夜夢回情脉脉竹風簷雨寒牕隔 離人
幾歲無消息今頭白不眠特地重相憶

春艷艷江上晚山三四點柳絲如剪花如染 香閨
寂寂門半掩愁眉歛泪珠滴破胭脂臉

寒水碧水上何人吹玉笛扁舟遠送瀟湘客 蘆花
千里霜月白傷行色來朝便是關山隔

長相思

蘋蒲溪柳送行人，溪水西回時隴月低。
煙霏風淒，重倚朱門，聽馬嘶寒鷗相對飛。

二

深畫眉，淺畫眉，蟬鬢鬢鬢雲滿衣。
陽臺行雨回，巫山高，巫山低。
暮雨蕭蕭，郎不歸，空房獨守時。

三

花似伊，柳似伊，花柳青春人別離。
低頭雙淚垂，長江東，長江西。
兩岸鴛鴦兩處飛，相逢知幾時。

四

深花枝，淺花枝，花枝深淺花枝相並時。
花枝難似伊，王

歐忠公集卷五

六

如肌柳如眉，愛著鵝黃金縷衣。
啼粧更爲誰

訴衷情 眉意

清晨簾幕卷輕霜，呵手試梅粧。
都緣自有離恨，故畫作遠山長。
思往事，惜流芳，易成傷。
擬歌先飲，欲笑還顰，最斷人腸。

踏莎行

一

候館梅殘，溪橋柳細，草薰風暖，搖征轡。
離愁漸遠，漸無窮，迢迢不斷如春水。
寸寸柔腸，盈盈粉淚，樓高莫近危欄倚。
平蕪盡處是春山，行人更在春山外。

雨霽風光春分天氣千花百卉爭明媚畫梁新燕一
雙雙玉籠鸚鵡愁孤睡 薜荔依牆莓苔滿地青樓
幾處歌聲麗鶯然舊事上心來無言歛皺眉山翠

望江南

江南蝶斜日一雙雙身似何郎全傳粉心如韓壽愛
偷香天賦與輕狂 微雨後薄翅膩煙光纔伴遊蜂
來小院又隨飛絮過東牆長是爲花忙

減字木蘭花

歐意齋集卷五

七

留春不住燕老鶯慵無覓處說似殘春一老應無却
少人 風和月好辦得黃金須買笑愛惜芳時莫待
無花空折枝

二

傷懷離抱天若有情天亦老此意如何細似輕絲渺
似波 扁舟岸側楓葉荻花秋索索細想前歡須著
及間比夢間

三

樓臺向曉淡月低雲天氣好翠幕風微宛轉梁州入
破時 香生舞袂楚女腰肢天與細汗粉重勻酒後

輕寒不著人

四

畫堂雅宴一抹朱絃初入遍慢撚輕籠玉指纖纖嫩
剝葱撥頭惚利怨月愁花無限意紅粉輕盈倚暖
香檀曲未成

五

歌檀歛袂繚繞雕梁塵暗起柔潤清圓百琲明珠一
綫穿櫻唇玉齒天上仙音心下事留住行雲滿坐
迷魂酒半醺

生查子

歐忠公集卷五

八

去年元夜時花市燈如晝月到柳梢頭人約黃昏後
今年元夜時月與燈依舊不見去年人淚滿春衫
袖

二

含羞整翠鬟得意頻相顧鴈柱十三絃一一春鶯語
嬌雲容易飛夢斷知何處深院鎖黃昏陣陣芭蕉
雨

瑞鷓鴣

楚王臺上一神仙眼色相看意已傳見了又休還似

夢坐來雖近遠如天
隴禽有恨猶能說
江月無情也
解圓更被春風送
惆悵落花飛絮兩翩翩

清商怨

關河愁思望處滿
漸素秋向晚
鴈過南雲行人回淚
眼
雙鸞衾裊悔
展夜又未枕
孤人遠
夢未成
歸梅
花聞塞管

阮郎歸

東風臨水日
街山春來長
是閑落花狼藉
酒闌珊
笙歌醉夢間
春睡覺
晚粧殘
無人整
翠鬟
留連花景

歐忠公集卷五

九

惜朱顏黃昏獨倚欄

二

南園春早踏青時
風和聞馬嘶
青梅如豆
柳如眉
日長蝴蝶飛
花露重
草煙低
人家簾幕垂
鞦韆慵困
解羅衣
畫梁雙燕棲

三

角聲吹斷隴梅枝
孤窻月影低
塞鴻無限欲驚飛
城烏休夜啼
尋斷夢
掩深閨
行人去路迷
門前楊柳綠
陰齊
何時聞馬嘶

四

劉郎何日是來時無心雲勝似行雲猶解傍山扉
行去不歸強句盡又芳菲春深輕薄衣桃花無語
伴相思陰陰月上時

五

落花浮水樹臨池年前心眼期見來無事去還思而
今花又飛淺螺黛淡隳脂閑粧取次宜隔簾風雨
閉門時此情風月知

蝶戀花

一名鳳樓梧
又名鶻踏枝

簾幕東風寒料峭雪裏香梅先報春來早紅蠟枝頭

歐忠公集卷五

十

雙燕小金刀剪綵呈纖巧旋暖金爐薰蕙藻酒入
橫波困不禁煩惱繡被五更春睡好羅幃不覺紗窻
曉

二

南鴈依稀回側陣雪霽墻陰迹覺蘭芽嫩中夜夢餘
消酒困爐香卷穗燈生暈急景流年都一瞬往事
前懽未免縈方寸臘後花期知漸近東風已作寒梅
信

三

臘雪初銷梅蕊綻梅雪相和喜鶻穿花轉睡起夕陽

迷醉眼新愁長向東風亂
瘦覺玉肌羅帶緩
綵
稍頭二月春猶淺
望極不來芳信斷
音書縱有爭如
見

四

海燕雙來歸畫棟
簾影無風花影頻移動
半醉騰騰
春睡重
綠鬟堆枕香雲擁
翠被雙盤金縷鳳
憶得
前春有箇人人共
花裏黃鶯時一啣
日斜驚起相思
夢

五

面旋落花風蕩漾
柳重煙深雪絮飛來往
雨後輕寒
猶未放
春愁酒病成惆悵
枕畔屏山圍碧浪
翠被
華燈夜夜空相向
寂寞起來寒
繡幌月明正在梨花
上

歐忠公集卷五

十一

六

六曲欄干偎碧樹
楊柳風輕展盡黃金縷
誰把鈿箏
移玉柱
穿簾海燕雙飛去
滿眼遊絲兼落絮
紅杏
開時一處清明雨
濃醅覺來鶯亂語
驚殘好夢無尋
處

七

遙夜亭皋閑信步
過了清明漸覺春將暮
數點雨聲

風約住朦朧淡月雲來去
桃李無言香暗度誰在
鞦韆笑裏輕輕語二寸芳心千萬緒人間沒箇安排
處

八

簾幕風輕雙語鷺午後醒來柳絮飛撩亂心事一春
猶未見紅英落盡青苔院
百尺朱樓閑倚遍薄雨
濃雲抵死遮人面
羌管不須吹別怨無腸更爲新聲
斷

九

庭院深深深幾許楊柳堆煙簾幕無重數玉勒雕鞍

歐忠公集卷五

七

遊冶處樓高不見章臺路
雨橫風狂三月暮門掩
黃昏無計留春住
泪眼問花花不語亂紅飛過鞦韆
去

十

末日環隄乘綵舫煙草蕭疎恰似晴江上水浸碧天
風皺浪菱花荇蔓隨雙槳
紅粉佳人翻麗唱驚起
鴛鴦兩兩飛相向且把金樽傾羨釀休思往事成惆
悵

十一

越女採蓮秋水畔
窄袖輕羅暗露雙金釧
照影摘花

花似面芳心只共絲爭亂
鴻鵠灘頭風浪晚霧重
煙輕不見來時伴
隱隱歌聲歸棹遠
離愁引着江南岸

十二

水浸秋天風皺浪
縹緲仙舟只似秋天上
和露採蓮愁一餉
看花却是啼粧樣
折得蓮莖絲未放
蓮斷絲牽特地成
惆悵歸棹莫隨花
蕩漾江頭有箇人相望

十三

梨葉初紅蟬韻歇
銀漢風高玉管聲
淒切枕簟乍涼

歐文忠公集卷五

七

銅漏徹誰教社燕輕離別
草際蟲吟秋露結
宿酒醒來不記歸時節
多少衷腸猶未說
珠簾夜夜朦朧月

十四

獨倚危樓風細細
望極離愁黯黯生
天際草色山光殘
照裏無人會得凭欄意
也擬踈狂圖一醉
對酒當歌強飲還無味
衣帶漸寬都不悔
况伊銷得人憔悴

十五

簾下清歌簾外宴
雖愛新聲不見如花面
牙板數敲

珠一串梁塵暗落琉璃盞
桐樹花深孤鳳怨漸暹
遙天不放行雲散坐上少年聽未慣玉山將倒腸先
斷

十六

誰道閑情拋擲久每到春來惆悵還依舊日日花前
常病酒不辭鏡裏朱顏瘦 河畔青蕪堤上柳爲問
新愁何事年年有獨立小樓風滿袖平林新月入歸
後

十七

翠苑紅芳晴滿日綺席流鶯上下長相逐紫陌閑隨

歐意全集卷五

十四

金轆轤馬蹄踏遍春郊綠 一覺年華春夢促往事
悠悠百種尋思足煙雨滿樓山斷續人閑倚遍欄干
曲

十八

小院深深門掩亞寂寞珠簾畫閣重重下欲近禁煙
微雨罷綠楊深處鞦韆掛 傅粉狂遊猶未捨不念
芳時眉黛無人畫薄倖未歸春去也杏花零落香紅

謝

十九

幾日行雲何處去忘了歸來不道春將暮百草并花

寒食路香車繫在誰家樹
淚眼倚樓頻獨語
雙燕來時陌上相逢否
撩亂春愁如柳絮
絮依依夢裏無尋處

二十

欲過清明煙雨細
小檻臨窻點點殘花墜
梁燕語多驚曉
睡銀屏一半堆香被
新歲風光如舊歲
所恨征輪漸漸程
迢遞縱有遠情難寫寄
何妨解有相思泪

二十一

畫閣歸來春又晚
燕子雙飛柳軟
桃花淺細雨滿天

雙忠公集卷五

五

風滿院愁眉斂
盡無人見
獨倚欄干心緒亂
芳草芊綿尚憶江南岸
風月無情人暗換
舊遊如夢空腸斷

二十二

嘗愛西湖春色早
鴈雪方銷已見桃開小
頃刻光陰都過了
如今綠暗紅英少
且趁餘花謀一笑
况有笙歌艷態相縈繞
老去風情應不到
憑君剩把芳樽倒

漁家傲

一派潺湲流碧漲新亭四面山相向翠竹嶺頭明月
上迷俯仰月輪正在泉中漾更待高秋天氣爽菊
花香裏開新釀酒美賓嘉真勝賞紅粉唱山深分外
歌聲響

二

十月小春梅蕊綻紅爐畫閣新裝遍錦帳美人貪睡
暖羞起晚玉壺一夜冰漸滿樓上四垂簾不卷天
寒山色偏宜遠風急鴈行吹字斷紅日短江天雪意
雲撩亂

三與趙廉靖公

歐文忠公集卷五

六

四紀才名天下重三朝構厦爲梁棟定冊功成身退
勇辭榮寵歸來白首笙歌擁願我薄才無可用君
恩近許歸田壠今日一觴難得共聊對捧官奴爲我
高歌送

四

暖日遲遲花裊裊人將紅粉爭花好花不能言惟解
笑金壺倒花開未老人年少車馬九門來擾擾行
人莫羨長安道冊禁漏聲衙鼓報催昏曉長安城裏
人先老

五

紅粉墻頭花幾樹落花片片和鶯絮墻外有樓花有
主尋花去隔墻遙見鞦韆侶 綠索紅旗雙綵柱行
人只得偷回顧腸斷樓南金鎖戶天欲暮流鶯飛到
鞦韆處

六

妾本錢塘蘇小妹芙蓉花共門相對昨日爲逢青傘
蓋慵不採今朝料覺凋零煞 愁倚畫樓無計柰亂
紅飄過秋塘外料得明年秋色在香可愛其如鏡裏
花顏改

七

歐陽文忠公集卷五

七

花底忽聞敲雨漿逡巡女伴來尋訪酒盞旋將荷葉
當蓮舟蕩時時盞裏生紅浪 花氣酒香清麝釀花
腮酒面紅相向醉倚綠陰眠一餉驚起望船頭閣在
沙灘上

八

葉有清風花有露葉籠花罩鶯鶯侶白錦頂絲紅錦
羽蓮女妬驚飛不許長相聚 日脚沉紅天色暮青
涼傘上微微雨早是水寒無宿處須回步枉教雨裏
分飛去

九

荷葉田田青照水孤舟挽在花陰底昨夜蕭蕭疏雨
墜愁不寐朝來又覺西風起 雨擺風搖金蕊碎合
歡枝上香房翠蓮子與人長厮類無好意年年苦在
心中裏

十

葉重如將青玉亞花輕疑是紅銷掛顏色清新香脫
酒堪長價牡丹怎得稱王者 雨筆露牋勻彩畫日
爐風炭薰蘭麝天與多情絲一把誰厮惹千條萬縷
縈心下

十一

雙忠齋卷五

六

粉藥丹青描不得金針線線功難敵誰傍暗香輕採
摘風淅淅船頭觸散雙鷓鴣 夜雨染成天水碧朝
陽借出胭脂色欲落又開人共惜秋風逼盤中已見
新荷苗

十二

幽鷺謾來窺品格雙魚豈解傳消息綠柄嫩香頰採
摘心似織條條不斷誰牽役 珠泪暗和清露滴羅
衣染盡秋江色對面不言情脉脉煙水隔無人說似
長相憶

十三

楚國細腰元自瘦。文君膩臉誰描就。日夜鼓聲催箭
滿。昏復晝。紅顏豈得長如舊。醉折嫩房紅藥。嗅天
絲不斷。清香透。却傍小欄凝望久。風滿袖。西池月上
人歸後。

十四 七夕

喜鵲填河仙浪淺。雲軒早在星橋畔。街鼓黃昏霞尾
暗。炎光歛。金鈎側倒天西面。一別經年。今始見新
歡。往恨知何限。天上佳期。貪眷戀。良宵短。人間不合
催銀箭。

十五

歐忠公集卷五

九

乞巧樓頭雲幔卷。浮花催洗嚴粧面。花上蛛絲尋得
遍。顰笑淺。雙眸望月牽紅線。奕奕天河光不斷。有
人正在長生殿。暗付金釵清夜半。千秋願。年年此會
長相見。

十六

別恨長長歡計短。踈鐘促漏。真堪恁此會。此情都未
半。星初轉。鸞琴鳳樂。忽忽卷。河鼓無言西北。盼香
蛾。有恨東南遠。脉脉橫波珠泪滿。歸心亂。離腸便逐
星橋斷。

九日歡遊何處好黃花萬藥雕欄遠通清香無俗
調天氣好煙滋露結功多少 日脚清寒高下照寶
釘密綴圓斜小落葉西園風嫋嫋催秋老叢邊莫厭
金樽倒

十八

青女霜前催得綻金鈿亂散枝頭徧落帽臺高開雅
宴芳樽滿掇花吹在流霞面 桃李三春雖可羨鶯
來蝶去芳心亂爭似仙潭秋水岸香不斷年年自作
茱萸伴

十九

歐陽文忠公全集卷五

三

況周
陳鶴

露裊嬌黃風擺翠人間晚秀非無意仙格淡粧天與
麗誰可比女真裝束真相似 筵上佳人牽翠袂纖
纖玉手掇新藥美酒一杯花影膩邀客醉紅瓊共作
熏熏媚

二十

對酒當歌勞客勸惜花只惜年華晚寒艷冷香秋不
管情眷眷凭欄盡日愁無限 思抱芳期隨塞鴈悔
無深意傳雙燕悵望一枝難寄遠人不見樓頭望斷
相思眼

歐陽文忠公全集卷二十五

歐陽文忠公全集卷二十六

詩餘一百首

玉樓春二十九首

漁家傲十二首

南歌子

御街行

桃源憶故人二首

臨江仙二首

聖無憂

浪淘沙五首

定風波六首

驀山溪

浣溪沙九首

御帶花

虞美人

鶴冲天

夜行船二首

洛陽春

歐文忠公全集卷二十六

一叢花

雨中花

千秋歲

越溪春

賀聖朝影

洞天春

憶漢月

清平樂二首

應天長三首

涼州令

南鄉子二首

鵲橋仙

芳草渡二首

更漏子

摸魚兒

少年遊三首

行香子

鷓鴣天

玉樓春

題上林後亭
名木蘭花令

風遲日媚煙光好綠樹依依芳意早年華容易卽凋
零春色只宜長恨少 池塘隱隱驚雷曉柳眼未開
梅萼小樽前貪愛物華新不道物新人漸老

二

西亭飲散清歌闋花外遲遲宮漏發塗金燭引紫駟
嘶柳曲西頭歸路別 佳辰只恐幽期闊密贈殷勤
衣上結翠屏魂夢莫相尋禁斷六街清夜月

三

春山歛黛低歌扇暫解吳鈎登祖宴盡樓鐘動已魂
銷何況馬嘶芳草岸 青門柳色隨人遠望欲斷時
腸已斷洛城春色待君來莫到落花飛似霰

四

樽前擬把歸期說未語春容先慘咽人生自是有情
癡此恨不關風與月 離歌且莫翻新闋一曲能教
腸寸結直須看盡洛城花始共春風容易別

五

洛陽正值芳菲節穠艷清香相間發游絲有意苦相
縈垂柳無端爭贈別 杏花紅處青山缺山畔行人
山下歇今宵誰肯遠相隨惟有寂寥孤館月

六

殘春一夜狂風雨，斷送紅飛花落樹。人心花意待留春，春色無情容易去。
高樓把酒愁獨語，借問春歸何處所。暮雲空闊不知音，惟有綠楊芳草路。

七

常憶洛陽風景媚，煙暖風和添酒味。鶯啼宴席似留人，花出牆頭如有意。
別來已隔千山翠，望斷危樓斜日墜。關心只爲牡丹紅，一片春愁來夢裏。

八

池塘水綠春微暖，記得玉真初見面。從頭歌韻響錚

歐忠憲公卷五

三

鏜，入破舞腰紅亂旋。玉鈎簾下香堦畔，醉後不知紅日晚。當時共我賞花人，點檢如今無一半。

九

兩翁相遇逢佳節，正值柳綿飛似雪。便須豪飲敵青春，莫對新花羞白髮。
人生聚散如弦筈，老去風情尤惜別。大家金盞倒垂蓮，一任西樓低曉月。

十

西湖南北煙波闊，風裏絲簧聲韻咽。舞餘裙帶綠雙垂，酒入香腮紅一抹。
杯深不覺瑠璃滑，貪看六么花十八。明朝車馬各西東，惆悵盡橋風與月。

十一

燕鴻過後春歸去，細筭浮生千萬緒。來如春夢幾多時，去似朝雲無覓處。聞琴解珮神仙侶，挽斷羅衣留不住。勸君莫作獨醒人，爛醉花間應有數。

十二

蝶飛芳草花飛路，把酒已嗟春色暮。當時枝上落殘花，今日水流何處去。樓前獨遶鳴蟬樹，憶把芳條吹暖絮。紅蓮綠芰亦芳菲，不柰金風兼玉露。

十三

別後不知君遠近，觸目淒涼多少悶。漸行漸遠漸無書，水闊魚沉何處問。夜深風竹敲秋韻，萬葉千聲皆是恨。故歌單枕夢中尋，夢又不成燈又燼。

十四

紅條約束瓊肌穩，拍碎香檀催急袞。隴頭嗚咽水聲繁，葉下間關鶯語近。美人才子傳芳信，明月清風傷別恨。未知何處有知音，常爲此情留此恨。

十五

檀槽碎響金絲撥，露濕潯陽江上月。不知商婦爲誰愁，一曲行人留夜發。畫堂花月新聲別，紅藥調長彈未徹。暗將深意祝膠絃，唯願絃絃無斷絕。

十六

春葱指甲輕攏，熬五彩垂條，雙袖卷雪香濃透。紫檀槽胡語急隨紅玉腕，當頭一曲情何限。入破錚鏦金鳳戰，百分芳酒祝長春，再拜斂容擡粉面。

十七

金花盞面紅煙透，舞急香茵隨步，皺青春才子有新詞。紅粉佳人重勸酒，也知自爲傷春瘦。歸騎休交銀燭候，擬將沉醉爲清歡，無奈醒來還感舊。

十八

雪雲乍變春雲簇，雲漸覺年華堪送。日北枝梅藥犯寒。

歐忠文集卷五

五

開南浦波紋如酒綠，芳菲次第還相續。不柰情多無處足，樽前百計得春歸，莫爲傷春歌黛蹙。

十九

黃金弄色輕於粉，濯濯春條如水嫩。爲緣力薄未禁風，不柰多嬌長似困。腰柔乍怯人相近，眉小未知春有恨。勸君着意惜芳菲，莫待行人攀折盡。

二十

珠簾半下香銷印，二月東風催柳信。琵琶傍畔且尋思，鸚鵡前頭休借問。驚鴻過後生離恨，紅日長時添酒困。未知心在阿誰邊，滿眼泪珠言不盡。

二十一

沉沉庭院鶯吟哢日暖煙和春氣重綠楊嬌眼爲誰
回芳草深心空自動 倚欄無語傷離鳳一片風情
無處用尋思還有舊家心蝴蝶時時來役夢

二十二

去時梅萼初凝粉不覺小桃風力損梨花最晚又凋
零何事歸期無定準 欄干倚遍重來凭淚粉偷將
紅袖印蜘蛛喜鵲誤人多似此無憑安足信

二十三

酒美春濃花世界得意人人千萬態莫教辜負艷陽

歐忠翁卷卷天

六

天過了堆金何處買 已去少年無計柰且願芳心
長恁在閑愁一點上心來算得東風吹不解

二十四

湖邊柳外樓高處望斷雲山多少路欄干倚遍使人
愁又是天涯初日暮 輕無管繫狂無數水畔花飛
風裏絮算伊渾似薄情郎去便不來來便去

二十五

南園粉蝶能無數度翠穿紅來復去倡條冶葉恣留
連飄蕩輕於花上絮 朱欄夜夜風兼露宿粉棲香
無定所多情翻却似無情贏得百花無限妬

二十六子規

江南三月春光老，月落禽啼天未曉。
露和啼血染花紅，恨過千家煙樹杪。
雲垂玉枕屏，山小夢欲成時。
驚覺了，人心應不似伊心。
若解思歸歸合早。

二十七

東風本是開花信，及至花時風更緊。
吹開吹謝苦匆匆，春意到頭無處問。
把酒臨風千萬恨，欲掃殘紅猶未忍。
夜來風雨轉離披，滿眼淒涼愁不盡。

二十八

陰陰樹色籠晴晝，清淡園林春過後。
杏腮輕粉日催紅，池面綠羅風卷皺。
佳人向晚新粧就，圓膩歌喉珠欲溜。
常筵莫放酒杯遲，樂事良辰難入手。

二十九

芙蓉鬢暈胭脂淺，留着晚花開小宴。
畫船紅日晚風清，柳色溪光晴照暖。
美人爭勸梨花盞，舞困玉腰衰縷慢。
莫交銀燭促歸期，已祝斜陽休更晚。

漁家傲續添

正月斗杓初轉勢，金刀剪綵功夫異。
稱慶高堂歡幼穉，看柳意偏從東面春風至。
十四新蟾圓尚未，樓前乍看紅燈試。
冰散綠池泉細細，魚欲戲園林已是。

花天氣

同前

二月春耕昌杏密，百花次第爭先出。惟有海棠梨第
一，深淺拂天生紅粉。真無匹，畫棟歸來巢未失。雙
雙款語，恰飛乙留客，醉花迎曉日。金盞溢，却憂風雨
飄零疾。

同前

三月清明天，婉婉晴川，枝襖歸來晚。况是踏青來處
遠，猶不倦，鞦韆別閉深庭院。更值牡丹開欲遍，茶
蘩壓架清香散。誰解勸，增眷戀。東風向晚

入歐志卷之三

八

無情絆

同前

四月園林春去後，深深密密，陰初茂。折得花枝猶在
手，香滿袖。葉間梅子青如豆。風雨時時添氣候。成
行新筍，霜筠厚題，就送春詩幾首。聊對酒，櫻桃色照
銀盤溜。

同前

五月榴花妖艷烘，綠楊帶雨垂垂重。五色新絲纏角
粽，金盤送生繡。畫扇雙鸞，正是浴蘭時節，動菖
蒲酒。羨清尊共葉裏黃鸝，時一啜，猶鬢髮等閑驚破。

紗窗夢

同前

六月炎天時霎雨行雲涌出奇峯露沼上嫩蓮腰束
素風兼露梁王宮闕無煩暑畏日亭亭殘蕙炷傍
簾乳燕雙飛去碧盃敲冰傾玉處朝與暮故人風快
涼輕度

同前

七月新秋風露早渚蓮尚折庭梧老是處瓜華時節
好金樽倒人間綵縷爭祈巧萬葉敲聲涼乍到百
蟲啼晚煙如掃箭漏初長天杳杳人語悄那堪夜雨

歐忠公集卷五

九

催清曉

同前

八月秋高風歷亂衰蘭敗芷紅蓮岸皓月十分光正
滿清光畔年年常願瓊筵看社近愁看歸去燕江
天空闊雲容漫宋玉當時情不淺成幽怨鄉關千里
危腸斷

同前

九月霜秋秋已盡烘林敗葉紅相映惟有東籬黃菊
盛遺金粉人家簾幕重陽近曉日陰陰晴未定授
衣時節輕寒嫩新鴈一聲風又勁雲欲凝鴈來應有

吾鄉信

同前

此篇已載本卷
但數字不同

十月小春梅藥綻紅爐畫閣新裝通鴛帳美人貪睡
暖梳洗嬾玉壺一夜輕澌滿樓上四垂簾不卷天
寒山色偏宜遠風急鴈行吹字斷紅日晚江天雪意
雲撩亂

同前

十一月新陽排壽宴黃鐘應管添宮線獵獵寒威雲
不卷風頭轉時看雪霰吹人面南至迎長知漏箭
書雲紀候冰生研牘近探春春尚遠閑庭院梅花落
盡千千片

歐陽文忠公集卷五

十

同前

十二月嚴凝天地閉莫嫌臺榭無花卉惟有酒能欺
雪意增豪氣直教耳熱笙歌沸隴上雕鞍惟數騎
獵圍半合新霜裏霜重鼓聲寒不起千人指馬前一
鴈寒空墜

南歌子

鳳髻金泥帶龍紋玉掌梳走來窻下笑相扶愛道畫
眉深淺入時無弄筆偎人又描花試手初等閑妨
了繡功夫笑問雙鴛鴦字怎生書

御街行

天非華艷輕非霧來夜半天明去來如春夢不多時
去似朝雲何處乳鷄酒燕落星沉月紈絛城頭鼓
參差漸辨西池樹朱閣斜欹戶綠苔深徑少人行苔
上履痕無數遺香餘粉剩衾閑枕天把多情賦

桃源憶故人

一名虞美人影

梅梢弄粉香猶嫩欲寄江南春信別後寸腸縈損說
與伊爭穩小爐獨守寒灰燼忍泪低頭盡畫眉上
萬重新恨竟日無人問

歐忠齋卷三

十一

鶯愁燕苦春歸去寂寂花飄紅雨碧草綠楊岐路况
是長亭暮少年行客情難訴泣對東風無語目斷
兩三煙樹翠隔江淹浦

臨江仙

柳外輕雷池上雨雨聲滴碎荷聲小樓西角斷虹明
攔干倚處待得月華生燕子飛來窺畫棟玉鈞垂
下簾旌涼波不動簾紋平水精雙枕傍有墮釵橫

記得金鑾同唱第春風上國繁華如今薄宦老天涯
十年岐路空負曲江花 聞說閩山通閩苑樓高不
見君家孤城寒日等閑斜離愁難盡紅樹遠連霞

聖無憂

世路風波險十年一別須臾人生聚散長如此相見
且懽娛 好酒能消光景春風不染髭鬚爲公一醉
花前倒紅袖莫來扶

浪淘沙

把酒祝東風且共從容垂楊紫陌洛城東總是當時

歐陽文忠公

十一

攜手處遊遍芳叢 聚散苦匆匆此恨無窮今年花
勝去年紅可惜明年花更好知與誰同

二

花外倒金翹飲散無慘柔桑蔽日柳迷條此地年時
曾一醉還是春朝 今日舉輕橈帆影飄飄長亭回
首短亭遙過盡長亭人更遠特地魂銷

三

五嶺麥秋殘荔子初丹絳紗囊裏水晶丸可惜天教
生處遠不近長安 往事憶開元妃子偏憐一從魂
散馬嵬關只有紅塵無驛使滿眼驪山

四

萬恨苦綿綿舊約前
惟桃花溪畔柳陰間
幾度日高春睡重
綉戶深閑樓外夕陽閑
獨自憑欄一重水
隔一重山水闊
山高人不見
有淚無言

五

今日北池遊漾漾
輕舟波光漱灑柳條柔
如此春來春又去
白了人頭好妓好歌喉
不醉難休勸君蒲
蒲酌金甌
縱使花時常病酒
也是風流

定風波

歐忠文集卷三十六

十三

把酒花前欲問他
對花何悵一作借

醉顏醜春到幾人

能爛賞何況無情風雨等閑多

艷樹香叢都幾許

朝暮惜紅愁粉柰情何好
是金船浮玉浪相向十分

深送一斛歌

二

把酒花前欲問伊
忍嫌金盞負春時
紅艷不能旬日
看宜筭湏知
開謝只相隨
蝶去蝶來猶解戀
難見

回頭還是度年期
莫候飲闌花已盡
方信無人堪與
補殘枝

三

把酒花前欲問公對花何事訴金鍾為問去年春甚
處虛度鶯鶯撥亂一場空今歲春來須愛惜難得
須知花面不長紅待得酒醒君不見千片不隨流水
即隨風

四

把酒花前欲問君世間何計可留春縱使青春留得
住虛語無情花對有情人任是好花須落去自古
紅顏能得幾時新暗想浮生何事好唯有清歌一曲
倒金樽

五

歐忠公集卷十六

十四

過盡韶華

一作

不可添小樓紅日下層簷春睡覺來

情緒惡寂寞揚花撩亂拂珠簾早是閑愁依舊在

無奈那堪更被宿醒兼把酒送春惆悵甚長恁年年

三月病厭厭

六

對酒追歡莫負春光歸去可饒人昨日紅芳今綠
樹已暮殘花飛絮雨紛紛粉面麗姝歌窈窕清妙
樽前信任醉醺醺不是狂心貪燕樂自覺年來白髮
蒲頭新

新正初破三五銀蟾滿纖手染香羅剪紅蓮滿城開
遍樓臺上下歌管咽春風駕香輪停寶馬只待金烏
晚帝城今夜羅綺誰爲伴應卜紫姑神問歸期相
思望斷天涯情緒對酒且開顏春宵短春寒淺莫待
金杯暖

浣溪沙

雲曳香綿彩柱高絳旗風颭出花梢一梭紅帶往來
拋束素美人羞不打却嫌裙慢褪纖腰日斜深院
影空搖

歐文忠公集卷五

五

堤上遊人逐畫船拍堤春水四垂天綠楊樓外出鞦韆
白髮戴花君莫笑六么催拍盞頻傳人生何處
似樽前

三

湖上朱橋響畫輪溶溶春水浸春雲碧瑠璃滑淨無
塵當路遊絲縈醉客隔花啼鳥喚行人日斜歸去
柰何春

四

葉底青青杏子垂枝頭薄薄柳綿飛日高深院晚鶯

啼 堪恨風流成薄倖，斷無消息道歸期。托腮無語，
翠眉低。

五

青杏園林煮酒香，佳人初着薄羅裳。柳絲搖曳燕飛忙，
乍雨乍晴花自落，閑愁閑悶畫偏長。爲誰消瘦損容光。

六

紅粉佳人白玉杯，木蘭船穩棹歌催。綠荷風裏笑聲來，
細雨輕煙籠草樹，斜橋曲水遶樓臺。夕陽高處畫屏開。

歐忠文集卷五

六

七

翠袖嬌鬟舞石州，兩行紅粉一時羞。新聲難逐管絃愁，
白髮主人年未老，清時賢相望偏優。一樽風月爲公留。

八

燈燼垂花月似霜，薄簾映月兩文光。酒醺紅粉自生香，
雙手舞餘拖翠袖，一聲歌已釀金觴。休回嬌眼斷人腸。

九

十載相逢酒一卮，故人纔見便開眉。老來遊舊更同

誰浮世歌歡真易失宦途離合信難期樽前莫惜
醉如泥

御帶花

青春何處風光好帝里偏愛元夕萬重繒綵構一屏
峯嶺半空金碧寶繫銀缸耀絳幕龍虎騰擲沙堤遠
雕輪綉轂爭走五王宅 雍容熙熙作晝會樂府神
姬海洞仙客拽香搖翠稱執手行歌錦街天陌月淡
寒輕漸向曉漏聲寂寂當年少狂心未已不醉怎歸
得

虞美人

歐忠文公卷五

七

爐香晝永龍煙白風動金鸞額畫屏寒掩小山川睡
容初起枕痕圓墜花鈿 樓高不及煙霄半望盡相
思眼艷陽剛愛挫愁人故生芳草碧連雲怨王孫

鶴冲天

梅謝粉柳拖金香滿舊園林養花天氣半晴陰花好
却愁深 花無數愁無數花好却愁春去戴花持酒
祝東風千萬莫匆匆

夜行船

一

憶昔西都懽縱自別後有誰能共伊川山水洛川花

細尋思舊遊如夢 今日相逢情愈重愁聞唱盡樓
鐘動白髮天涯逢此景倒金樽殢誰相送

二

滿眼東風飛絮催行色短亭春暮落花流水草連雲
看看是斷腸南浦 檀板未終人去去扁舟在綠楊
深處手把金樽難爲別更那聽亂鶯踈雨

洛陽春

紅紗未曉黃鸝語蕙爐銷蘭炷錦屏羅幕護春寒昨
夜三更雨 綉簾閑倚吹輕絮歛眉山無緒看花拭
泪向歸鴻問來處逢郎否

學意齋卷五

六

一叢花

此篇世傳張先子野詞

傷春懷遠幾時窮無物似情濃離愁正恁牽絲亂更
南陌飛絮濛濛歸騎漸遙征塵不斷何處認郎蹤
雙鴛池沼水溶溶南北小橋通梯橫畫閣黃昏後又
還是新月簾櫳沉恨細思不如桃李還解嫁春風

雨中花

千古都門行路能使離歌聲苦送盡行人花殘春晚
又到君東去 醉藉落花吹暖絮多少曲堤芳樹且
携手留連良辰美景留作相思處

千秋歲

數聲鶗鴂又報芳菲歇惜春更把殘紅折雨輕風色
暴梅子青時節未豐柳無人盡日花飛雪莫把絲
絃撥怨極絃能說天不老情難絕心似雙絲網終有
千千結夜過也東窻未白殘燈滅

越溪春

三月十三寒食日春色遍天涯越溪閨苑繁華地傍
禁垣珠翠煙霞紅粉墻頭鞦韆影裏臨水人家歸
來晚駐香車銀箭透窻紗有時三點兩點雨霽朱門
柳細風斜沉麝不燒金鴨冷籠月照梨花

賀聖朝影

歐忠孝卷五

九

白雪梨花紅粉桃露華高垂楊慢舞綠絲條草如袍
風過小池輕浪起似江臯千金莫惜買香醪且陶
陶

洞天春

鶯啼綠樹聲早檻外殘紅未掃露點真珠遍芳草正
簾幃清曉鞦韆宅院悄悄又是清明過了燕蝶輕
狂柳絲撩亂春心多少

憶漢月

紅艷幾枝輕裊新被東風開了倚煙啼露爲誰嬌故
惹蝶怜蜂惱多情遊賞處留戀向綠叢千繞酒闌

歡罷不成歸腸斷月斜春老

清平樂

雨晴煙晚綠水新池消雙燕飛來垂柳院小閣畫簾
高捲黃昏獨倚朱欄西南初月眉彎砌下落花風
起羅衣特地春寒

二

小庭春老碧砌紅萱草長憶小欄閑共遠攜手綠叢
含笑別來音信全垂舊期前事堪猜門掩日斜人
靜落花愁點青苔

歐文翁集卷三

二十

應天長

一彎初月臨鸞鏡雲鬢鳳釵慵不整珠簾淨重樓迥
惆悵落花風不定綠煙低柳徑何處轆轤金井昨
夜更闌酒醒春秋勝却病

二

石城山下桃花綻宿雨初晴雲未散南去棹北飛鴈
水闊山遙腸欲斷倚樓情緒懶惆悵春心無限燕
度蒹葭風晚欲歸愁滿面

三

綠槐陰裏黃鶯語，深院無人日正午。繡簾垂，金鳳舞。
寂寞小屏香一炷。碧雲凝合處，空役夢魂來去。昨
夜綠窻風雨，問君知也否。

涼州令

東堂
石壁

翠樹芳條颭的的，裙腰初染。佳人携手弄芳菲，綠陰
紅影共，展雙紋。簾插花，照影窺鸞鑑。只恐芳容減，不
堪零落。春晚青苔。雨後深紅點。一去門閑掩。重來
却尋朱檻。離離秋實，弄輕霜，嬌紅脉脉似見胭脂臉。
人非事往，眉空斂。誰把佳期賺。芳心只願長依舊。春
風更放明年艷。

歐陽文忠公集卷五

三

南鄉子

翠密紅繁水國京。生未是寒雨打荷花。珠不定，輕翻
冷發。鴛鴦錦翅斑。盡日凭欄弄藥，拈花子細看。偷
得曼蹄新鑄樣，無端藏在紅房艷粉間。

二

雨後斜陽細細風。來細細，香風定。波平花映水休藏。
照出輕盈半面粉。路隔秋江，蓮子深深隱翠房。意
在蓮心無問處，難忘裛紅腮不記行。

鵲橋仙

月波清霽煙容明淡靈漢舊期還至鵲迎橋路接天
津映夾岸星榆點綴雲屏未卷仙雞催曉腸斷去
年情味多應天意不教長恁恐把歡娛容易

芳草渡

梧桐落蓼花秋煙初冷雨纔收蕭條風物正堪愁人
去後多少恨在心頭燕鴻遠羌笛悠渺渺澄波一
片山如黛月如鉤笙歌散夢魂斷倚高樓

珠簾捲暮雲愁垂楊暗鎖青樓煙雨濛濛如畫輕風
吹旋收香斷錦屏新別人閑玉簫初秋多少舊懽

歐忠文集卷五

三

新恨書香杳夢悠悠

更漏子

風帶寒枝正好蘭薰無端先老悄悄夢依依離人
殊未歸 裹羅幕凭朱閣不獨堪悲搖落月東出鴈
南飛誰家夜搗衣

摸魚兒

卷繡簾梧桐秋院落一霎雨添新綠對小池閑立殘
粧淺向晚水紋如縠凝遠目恨人去寂寂鳳枕孤難
宿倚欄不足看燕拂風簷蝶翻蠹草兩兩長相逐
雙眉蹙可惜年華婉婉西風初弄庭菊况伊家年少

多情未已難拘束那堪更起涼景追尋甚處垂楊曲
佳期過盡但不說歸來多應忘了雲屏去時祝

少年遊

去年秋晚此園中携手翫芳叢拈花嗅藥惱煙撩霧
拚醉倚西風今年重對芳叢處追往事又成空敲
遍攔干向人無語惆悵滿枝紅

二

肉紅圓樣淺心黃枝上巧如裝雨輕煙重無聊天氣
啼破曉來粧寒輕貼體風頭冷忍拋棄向秋光不

歐忠文集卷六

三

會深心爲誰惆悵回面恨斜陽

三

玉壺冰瑩獸爐灰人起繡簾開春叢一夜六花開盡
不待剪刀催洛陽城闕中天起高下遍樓臺絮亂
風輕拂鞍韉袖歸路似章街

行香子

舞雪歌雲閑淡粧勻藍溪水染輕裙酒香醺臉粉色
生春更雅談話好情性美精神空江不斷凌波何
處向越橋邊青柳朱門斷鐘殘角又送黃昏柰眼中
淚心中事意中人

鷓鴣天

學畫宮眉細細長芙蓉出水鬪新粧只知一笑能傾
國不信相看有斷腸 雙黃鸝兩鴛鴦迢迢雲水恨
難忘早知今日長相憶不及從初莫作雙

歐陽文忠公全集卷二十六

鷓鴣天

十四

